

FAQ

- **Vegn mia dumonda tractada, era sche jau l'hai inoltrà pli tard che 30 dis avant la proxima sesida?**

Mintga dumonda inoltrada a moda cumpletta vegn tractada. Sch'ina dumonda n'è betg vegnida inoltrada sin il termin, vegn quella tractada automaticamain a la sesida dal cussegl da fundaziun che suonda.

- **Quant ditg vai, fin che jau survegn ina resposta a mia dumonda?**

Sche Vus avais inoltrà Vossa dumonda sin il termin, survegnis Vus per regla ina resposta per posta e quai entaifer 10 dis da lavur suenter la proxima sesida dal cussegl da fundaziun (<http://www.srks.ch/index.php?m=1&s=3&l=r>). Per tractar tut las petentas ed ils petents tuttina na dain nus naginas infurmaziuns preliminaras via e-mail u telefon. Suentar la spediziun da la resposta midain nus online plinavant il status da la dumonda.

Per dumondas betg inoltradas sin il termin èsi pia da quintar ch'ins na survegn la resposta betg suenter la proxima sesida, mabain pir suenter quella che suonda (era vesair: "Vegn mia dumonda tractada, era sche jau l'hai inoltrà pli tard che 30 dis avant la proxima sesida?").

- **Poss jau dumandar in pajament anticipà?**

Per survegnir in pajament anticipà stuais Vus inoltrar ina dumonda en scrit per posta u per e-mail. Dumondas per in pajament anticipà pon vegnir refusadas. Sch'in pajament anticipà vegn lubì, munta quel a maximalmain 50 % da l'import da finanziaziun consentì.

- **Quant ditg vai, fin che la FSRC sbursa in pajament anticipà resp. fin ch'ella paga la summa totala suenter l'inoltraziun dal rapport final?**

Quintai p.pl. ca. cun 30 dis.

- **Poss jau inoltrar ina dumonda per in project, sche quel vegn realisà avant la proxima sesida dal cussegl da fundaziun, uschia che mia dumonda vegn tractada suenter ch'il project è terminà?**

Da princip pudais Vus inoltrar ina dumonda da tut temp; contribuziuns da sustegn retroactivas n'èn però betg la regla e talas dumondas han perquai mo pitschnas schanzas. In project che la FSRC sustegna duai esser planisà seriusamain, e latiers tutga ina dumonda da sustegn inoltrada ad uras.

- **Tge sorts da dumondas vegnan sustegnidas?**

Resguardai p.pl. cifra 2 dal mussavia e las infurmaziuns sin nossa website (<http://www.srks.ch/index.php?m=2&s=0&l=r>).

En general pon ins dir che nus na sustegnain naginas dumondas che n'han betg in connex direct ed essenzial cun il radio, la Svizra e la cultura tenor il mussavia.

Las dumondas, sche la dumonda planisada correspunda als criteris **na respunda** il secretariat betg.

- **Jau sun malsegira sche mes project ademplescha las pretensiuns, poss jau inoltrar mia dumonda per l'examinaziun preliminar?**

Ils criteris dalla fundaziun anflan el mussavia, ulteriurs tips cheu ella FAQ.

I vegnan examinadas unicamain las dumondas inoltradas online dal cussegl da fundaziun. Las dumondas na pon betg vegnir inoltradas per l'examinaziun preliminar, las dumondas correspundentas na vegnan betg resguardadas.

- **Co poss jau optimar las schanzas da mia dumonda?**

Pli cler, precis e facil ch'è il connex cun ils criteris centrals da la fundaziun e pli exact ch'èn definids ils aspects quantitativs (p.ex. quantas transmissiuns, quantas emissiuns da tge durada euv.) e pli grondas ch'èn las schanzas d'ina valitaziun positiva. Pli bleras da questas indicaziuns che mancan u che ston vegnir ramassadas resp. engiavinadas a maun da texts generals u nunprecis, tant pli improbabla è ina valitaziun positiva da la dumonda.

- **Tge contribuziun da sustegn poss jau pretender?**

Il cussegl da fundaziun e/u il secretariat na fan naginas recumandaziuns areguard la contribuziun da sustegn. Quella duess resultar da Voss budget, dal plan da finanziaziun e dals ulteriurs promoturs sco era da las atgnas contribuziuns prestadas.

- **Poss jau inoltrar mia dumonda per posta u e-mail?**

Na, nus tractain mo dumondas che vegnan inoltradas sur noss online-tool.

- **Jau hai inoltrà mida dumonda a moda cumpletta, ma jau n'hai survegnì nagin e-mail da conferma.**

P.pl. far stim da propi cliccar a la fin sin il buttun per inoltrar, uschiglio na vegn Vossa dumonda betg telechargiada. Suerter che la telechargiada è reussida, survegnis Vus in e-mail da conferma automatic – p.pl. era verificgar Voss ordinatur dad e-mails nungiavischads.

- **Poss jau actualisar mia dumonda gia inoltrada online?**

Na. Sche Vus avais actualisaziuns ubain novitads en connex cun Vossa dumonda, las tramettai p.pl. immediat al secretariat (info@fsrc.ch) cun numnar il titel dal project.

- **Cura ha lieu la proxima sesida dal cussegl da fundaziun?**

<http://www.srks.ch/index.php?m=1&s=3&l=r>

- **Ma pudais Vus trametter Voss logo per noss stampats?**

Noss logos chattais Vus online en ils formats JPG ed EPS:

<http://www.srks.ch/index.php?m=1&s=4&l=r>

Tip: sche Vus midais la lingua sin la website (il pli sisum a dretga), chattais Vus ils logos er en las autras linguas naziunalas.

Sche Vus pudais stampar ina pagina da reclama en Voss carnet dal program u en auters da Voss stampats, dumandai p.pl. il model via e-mail ad info@fsrc.ch.

- **Poss jau inoltrar mia dumonda en englais u en duas linguas?**

Dumondas en englais na vegnan betg acceptadas.

As decidai p.pl. per ina da las linguas naziunalas.

Il rapport final sto vegnir inoltrà en la lingua da la dumonda.

- **Poss jau prolungar il termin per il rapport final?**

Gea, p.pl. far Vossa dumonda per e-mail, cun inditgar, fin cura che Vus pudais inoltrar il rapport final (data concreta). Vus obtegnais ina conferma en scrit (email).

- **Tge pretensiuns fa la FSRC a mes rapport final?**

I dat unicamain pretensiuns areguard il cuntegn, betg areguard la furma. Tenor cifra 7 dal mussavia cuntegna il rapport final:

- ina resumaziun da l'andament e dal success dal project, inclusiv indicaziuns quantitativas sco p.ex. il dumber e la durada da las transmissiuns, gruppas d'audturas e d'auditurs cuntanschidas, dumber da participantas e participants euv.
- in rendaint cumplet
- cumprovas per la menziun da la FSRC e da la Swissperform (vesair cifra 10 dal mussavia) sco partenarias da project promoturas → igl è necessari d'inoltrar tenor stampats / pdf da las stamparias (nagins links a paginas-web ni documents etc.); il secretariat nu tschercha sez las cumprovas correspundentas. Il pro datotecas d'audio / da video esa d'indichar in tge fanestra da temp chi vain la nomina. **Sch'ün mussament correspondent (creen prinzipal / PDF, ggf. datoteca audio cun indicaziun dal temp) vain refüsà il rapport final.**

Ensemen cun il rapport final ston vegnir inoltrads tenor cifra 10 dal mussavia ils suandants elements per il showroom sin la website da la FSRC:

- selecziun da maletgs inclusiv las legendas (sche avant maun; max. 6 maletgs)
- exempels auditivs e/u videos (sequenzas da max. 3 minutas, sche avant maun)
- colliaziuns ad ulteriur material (sche avant maun)
- curt text da preschentaziun (5 fin 10 frisas)

Il rapport final po vegnir inoltrà per e-mail (info@fsrc.ch). Tut ils documents ston vegnir inoltrads sco document da PDF (per motivs da segirtad na vegnan betg acceptads Word / Excel u auters formats (excepziun: datotecas audio / video), il rapport final vegn renvià).

- **Jau hai ina nova adressa dad e-mail, poss jau midar quella?**

Deplorablamain n'è quai betg pussaivel, per plaschair avri in nov conto.

31.07.2025